

# Provinsol Eli Jaelhud Edukesen Sefti Plan



23/04/2012

Provinsol Edukesen Ofis

Ministri Blong Edukesen I kat wan Emejensi Cluster grup

UNICEF/MoE logo inset



## Tebol long ol samting insaed long Buk

Introdaksen (EiE Ofis MOE) .....	3
1. Ol Wok Blong Volkeno.....	4
2. Saeklon (Hariken) .....	6
3. Kraon i Seksek .....	8
4. Tsunami (Taedol wef).....	12
5. Lanslaed (Graon i foldaon) .....	13
6. Flad (Wota i kam antap).....	15
7. Draot (Drae Sisen) .....	17
8. Faea.....	19

## **Introdaksen (Edukesen in Emejensi Ofisa MOE)**

Provinsol Eli Jaelhud Emejensi plan I kamaot naoia blong kontrolem mo ridiusim ol impak we natural mo man made disasta I save mekem long ol Pri Skul bilding blong yumi, mo tu long laef blong ol pkinini we oli jas bon nomo ko kasem 6 yia. Ol pikinini ia I isi nomo blong disasta I mekem bigfala impak long laef blong olgeta so yumi mas pripea gud blong protektem olgeta agensem ol paoa blong disasta. Plan ia tu bai i helpem yumi blong holem taet ol gudfala kastom blong yumi long hao blong pripea mo respon long wan emejensi bifo I hapen, long taem blong disasta mo afta long wan disasta, bifo yumi stap ko askem help aotsaed.

Ol sikis fala Provinsol Pri Skul Kodineta nao I developem plan ia wetem help blong Ministri blong Edukesen. From risen ia, mi kat hona blo raetem introdaksen blong dokumen ia. Risen blong kat wan plan olsem ia I blong manajem gud ol fasin blong emejensi long Eli Jaelhud Edukesen bifolong wan disasta, long taem blong wan disasta mo afta long wan disasta. Wan rod fowod blong katem daon ol risk long ol Pri Skul I blong tekem tingting ia se disasta hemi bisines blong yumi everiwan. Hemi important tumas blong yumi mas oltaem mekem sua se envaeronmen I sef, sekua mo helti , bifo, during mo afta long wan disasta nomat sipos I natural o manmade. Vanuatu olsem we yumi save, hemi stap long wan ples we ol naturol mo man made disasta I save pas long hem eni taem. Hemi stap insaed long rod blong saeklon long Pasifik, mo I sitdaon long Pasifik “rim blong faea”, antap long tu plet. Hemi I mekem se bai yumi save experiensem kraon I seksek ol taem, mo yumi save kasem ol taedol wef.

From ol tingting ia nao yumi mas developem wan plan blong adresem ol isiu long saed blong disasta mo emejensi long Eli Jaelhud (long level blong pri skul), mo long nasonal level kasem long level blong ol skul. I gat bigfala nid tu I stap blong I mas kat wan gudfala kodinesen long level blong Tafea Provinsol Edukesen ofis wetem Provinsol Pri Skul Kodineta mo ol narafala stekholda (ol NGO, Kindi disasta komiti, ol komuniti, Helt, NDMO, Provinsol gavman etc) from disasta bai I kam mo bai I nidim everiwan blong wok wan tugeta.

Mi stap askem everiwan we oli kat pat insaed lo plan ia blong lukluk gud long ol wok we I nid blong mekem. Mi askem everiman blong karemaot ol risponsibiliti blong mekem se ol wok I save kohed blong yumi save limitim risk mo mekem eria long klasrum o haos blong tija I strong, mo skul graon I sef, mo helti long ol pikinini blong Vanuatu.

Virana Lini  
Edukesen Ofisa blong Imejensi